

DPM Heng: Pemimpin 4G azam bantu warga SG berjaya, tak tertinggal

PEMIMPIN generasi keempat (4G) komited memberi peluang bagi warga Singapura terus berjaya dan tidak membiarkan mereka terkebelakang, kata Timbalan Perdana Menteri, Encik Heng Swee Keat, semalam.

Beliau juga berkata pemerintah sedang mengkaji cara membantu golongan berpendapatan rendah dan rendah sederhana, termasuk warga

emas, memenuhi keperluan persaraan mereka.

Beliau berkata demikian semasa berucap di perasmian sidang tahunan *Perspektif Singapura* 2020 di Marina Bay Sands anjuran Institut Pengajian Dasar (IPS), yang kali ini bertemu politik.

Berucap di penutup sidang itu pun, Menteri Perdagangan dan Perusa-

haan, Encik Chan Chun Sing, menyentuh tentang budaya politik yang ingin dilihat di Singapura.

Budaya politik itu harus menekankan tindakan konkret, keberanian mengubah sistem politik, dan kehadiran pemimpin berkebolehan, kata Encik Chan.

Sedang politik di luar negara mungkin dianggap "kotor", politik

di Singapura harus merujuk kepada tadbir urus yang meningkatkan keli-dupan orang ramai, ujarnya.

Sidang itu dihadiri oleh lebih 1,100 orang, termasuk penggubal dasar, pelajar dan ahli akademik.

Ia juga menampilkan beberapa panelis yang membincangkan tentang landskap politik di Singapura, serta gerakan oleh pihak bukan pe-

merintah.

Panelis termasuk Pengurus Institut Timur Tengah di Universiti Nasional Singapura (NUS), Encik Bilahari Kausikan, Timbalan Editor Eksekutif *South China Morning Post*, Cik Zuiraidah Ibrahim; dan Zamil Penyelidikan Kanan di Institut Asia Timur, NUS, Dr Lam Peng Er.

Antara isu yang dibincangkan ter-

masuk perkembangan Parti Tindakan Rakyat (PAP) dan pembangkang di Singapura, serta ancaman yang dihadapi negara ini, umpama-nya berkaitan seperti perubahan iklim.

Laporan lanjut

Muka 4

SIDANG PERSPEKTIF SINGAPURA 2020

Pemimpin 4G komited beri peluang warga terus berjaya di masa depan

“ Kami sedang mengkaji bagaimana kami akan dapat membantu golongan berpendapatan rendah dan rendah sederhana termasuk warga emas yang ada ketika ini dan di masa hadapan bagi memenuhi keperluan persaraan mereka dengan cara yang dapat dikekalkan ”

– Timbalan Perdana Menteri Encik Heng Swee Keat.



BANGUN MASA DEPAN:
Timbalan Perdana Menteri, Encik Heng Swee Keat, berkata pemimpin generasi keempat (4G) akan berusaha membangunkan masa hadapan Singapura yang maju bagi warga Singapura. – Foto BH oleh KUA CHEE SIONG

►NUR ADILAH MAHBOB
adilaham@sph.com.sg

PEMIMPIN generasi keempat (4G) akan berusaha membangunkan masa hadapan Singapura yang maju bagi warga Singapura, kata Timbalan Perdana Menteri, Encik Heng Swee Keat, semalam.

Beliau menambah pasukannya mempunyai komitmen membangunkan masa hadapan yang memberikan peluang bagi warga untuk terus berjaya dan tidak membikarkan mereka terkebelakang jika mereka memberikan yang terbaik.

Berucus di Sidang Perspektif Singapura 2020 anjuran Institut Pengajian Dasar (IPS), beliau berkata rancangan akur terus dilakukan bagi memberi bantuan lebih banyak lagi bagi golongan berpendapatan rendah dan berpendapatan rendah sederhana.

“Kami sedang mengkaji bagaimana kami akan dapat membantu golongan berpendapatan rendah dan rendah sederhana termasuk warga emas yang ada ketika ini dan di masa hadapan bagi memenuhi keperluan persaraan mereka dengan cara yang dapat dikekalkan,” kata Encik Heng, yang juga Menteri Kewangan.

Beliau akan memberikan lebih banyak perincian dalam Belanjawan Negara yang akan dibentangkan pada 18 Februari ini.

Memberi bayangan mengenai kepimpinannya apabila mengambil alih pucuk pimpinan negara ini kelak, beliau mengundang warga Singapura ‘bekerjasama dengan kami’ bagi menangani cabaran dihadapi negara ini.

“Rakan-rakan sekerja 4G kami amat komited untuk bekerja bukan sahaja untuk anda dan bekerja dengan anak-anak bagi membangunkan masa hadapan Singapura,” katanya.

Sedang pemimpin politik yang mengasaskan negara ini memupuk sifat kenergasean dengan memperkenalkan dasar-dasar seperti pemilikan rumah yang memberikan rakyat taruhan dalam negara ini, Encik Heng menambah gerakan ‘Singapore Together’ yang dilancarkan tahun lalu merupakan ‘tunggak baru dalam pembangunan negara’.

Wadah baru seperti Panel Rakyat dan Kumpulan Kerja Rakyat telah pun bekerjasama dengan rakyat Singapura untuk mengongsi idea-idea mereka agar menjadikan kehidupan mereka dengan lebih baik.

Ini termasuk langkah membina keharmonian kehidupan dan kerja, serta menggalak usaha kitar semula di rumah.

Rakyat Singapura juga melibatkan diri dalam pembangunan landskap Singapura seperti Somerset Belt, kawasan budaya Geylang Serai dan taman-tamannya.

“Apa yang kami lihat ialah model baru kerjasama ant-

ara pemerintah dengan rakyat Singapura dalam memiliki, mereka dan bertindak bagi masa hadapan kami,” kata Encik Heng, dalam sidang yang dihadiri para penggal dasar, pelajar dan pakar akademik.

Dalam proses itu, beliau berkata agensi pemerintah akan dapat mempelajari untuk membangunkan dan melakarkan hrahan dasar yang lebih kolaboratif.

Beliau menambah pendekatan kolaboratif merupakan cara ke hadapan yang akan dilaksanakan di Singapura walaupun dunia dibelenggu dengan ketidaktentuan dan perbezaan.

Banyak negara, tambah beliau, menghadapi ketegangan politik akibat perbezaan yang semakin ketara disebabkan gangguan teknologi, ketidaksaaman pendapatan yang meningkat dan penduduk yang semakin meningkat.

“Jika kita tidak bertindak dengan yakin, dan membenarkan anasir itu mempengaruhi kita, harapan dan keimbangan kita boleh disalah-gunakan untuk menimbulkan kebimbangan dan kemarahan,” jelas Encik Heng.

Beliau menambah semangat bersatu perlu terus dipu-

puk bagi memastikan Singapura terus berjaya, di samping terus memupuk kepercayaan antara pemerintah dengan rakyat.

“Saya yakin kerjasama ini sehingga hari ini akan menjadi asas bagi kerja-kerja generasi masa hadapan,” tambahnya.

Dalam sesi soal jawab di acara itu, Encik Heng telah menjawab pertanyaan beberapa anggota parti pembangkang termasuk Pengurus Parti Demokratik Singapura (SDP) Dr Paul Tambayah dan ketua Parti Kuasa Rakyat (PPD), Encik Goh Meng Sang.

Mengenai soalan Dr Tambayah mengenai cukai barang dan perkhidmatan (GST), Encik Heng berkata pemerintah telah mempertimbangkan pelbagai langkah sebelum memutuskan untuk menaikkan GST tetapi perlu berhati-hati apa pun langkah tidak akan menjeras masa depan dan daya saing Singapura.

Mengenai soalan Encik Goh apakah warga baru boleh menjadi satu kuasa yang memecah belah di sini, Encik Heng berkata ini akan berlaku jika warga Singapura mengeksplorasi isu ini dan mempersoal kesetiaan mereka.

Encik Heng menarik perhatian trend satu dalam tiga perkawinan di Singapura melibatkan warga asing. Mereka ini kemudian menjadi warga Singapura atas dasar keyakinan mereka terhadap negara ini.

Sistem politik SG harus membawa kepada usaha tingkat kehidupan rakyat: Chun Sing

SINGAPURA memerlukan budaya politik yang memekankan tindakan konkret, keberanian untuk mengubah sistem politik, serta pemimpin yang berkebolehan.

Menyatakan demikian, Menteri Perdagangan dan Perusahaan, Encik Chan Chun Sing, berkata tiga faktor itu diperlukan untuk memastikan Singapura kekal cemerlang dan terus bertahan.

“Politik di Singapura haruslah mengenal tadbir urus. Tadbir urus secara asasnya ialah usaha meningkatkan kehidupan orang ramai, untuk membolehkan mereka memenuhi potensi dan aspirasi mereka.

“Soalananya adalah bagaimana kita boleh membangun sistem dan budaya politik yang membolehkan Singapura untuk terus bertahan, tumbuh dan cemerlang,” ujar Encik Chan.

Beliau berkata demikian semasa berucap di Perspektif Singapura 2020 di Marina Bay Sands semalam – satu sidang tahunan anjuran Institut Pengajaran Dasar (IPS) yang kali ini bertemu politik.

Mengenai budaya politik, Encik Chan berkata ‘DNA politik’ di Singapura harus mengjangkau retorik, perbahasan, serta kepelbagaian suara.

“Mana-mana sistem politik yang berfungsi harus mempunyai perdebatan berdasarkan logik yang membawa kepada rancangan dan tindakan konkret untuk meningkatkan kehidupan rakyat kita,” ujar Encik Chan.

Ini juga harus dilakukan dengan memelihara kepentingan generasi masa depan atau pengundi masa depan, tambahnya.

Selain itu, sistem politik harus berubah mengikut keperluan zaman, kata Encik Chan lagi.

“Sama ada sistem GRC, Presiden Dipilih atau Pofma (Akta Perlinungan daripada Kepsulauan dan Manipulasi Dalam Talian (Pofma), kita semua bertanggungjawab untuk tanya diri kita bagaimana untuk mengubah sistem kita untuk menjangkakan masalah lebih awal, meskipun ia tidak mudah dari segi politik,” ujar Encik Chan.

Dalam pada itu, Singapura memerlukan pemimpin yang bersedia untuk mengambil keputusan berani dan susah tetapi yang penting untuk Singapura, kata Encik Chan lagi.

Awal sebelum itu, panelis dalam sidang itu telah membincangkan tentang landskap politik di Singapura. Zamil Penyelidikan Kanan di Institut Asia Timur, Universiti Nasional Singapura (NUS), Dr Lam Peng Er menyorot perkembangan Parti Tindakan Rakyat (PAP) sebagai parti berkuasa di Singapura.

Beliau berkata parti itu telah dapat bertahan sejauh ini kerana mutu pemimpinnya, keupayaan menarik bakat dan peralihan kuasa yang licin. Nilai-nilainya juga disokong kebanyakan pengundi.

“Kebanyakan pengundi di Singapura mendapat kehidupan di negara ini agak baik meskipun ada rasa tidak puas hati dengan dasar tertentu,” ujar Dr Lam.

Namun, cabaran bagi parti itu pada masa depan ialah sejauh mana ia boleh mengatasi ketidaksaaman sosial, meraih sokongan milenial dan kekal bersatu pada sebuah pasukan dalam era selepas Perdana Menteri Lee Hsien Loong.

Seorang lagi panelis, Timbalan Editor Eksekutif South China Morning Post, Cik Zuraidah Ibrahim pula memberi amatanannya tentang perkembangan pembangkang di Singapura.

“Di Singapura, pembangkang bukan satu pemerintah yang sedang menunggu. Itu bukan satu yang dijangkakan kebanyakan pengundi.

“Sebaliknya, pengundi melihat (kehadiran pembangkang) sebagai satu cara untuk memberi tekanan kepada pemerintah, dan sebagai periksa dan imbangannya,” ujar Zuraidah.

Dalam pilihan raya akan datang, terdapat beberapa ketidakpastian, termasuk pihak mana yang akan berjaya menggunakan media sosial untuk menambah pengundi, dan sejauh mana mantan Anggota Parlimen (AP) Dr Tan Cheng Bock akan meraih sokongan, kata Cik Zuraidah.

Pengerusi Institut Timur Tengah di Universiti Nasional Singapura (NUS), Encik Bilahari Kausikan, pula menyebut tentang ancaman di peringkat global, antaranya perubahan pesat teknologi yang membawa bersama-sama gangguan yang melemahkan identiti dan perpaduan negara.

“Singapura tidak terkecuali daripada ancaman global ini. (Ancaman) Politik berdasarkan identiti sudah pun menjegas kita,” ujar Encik Kausikan.

Beliau memberi contoh perdebatan tentang pekerja asing dalam ekonomi negara yang sebenarnya berbaur politik identiti.

Dalam sesi soal jawab, tiga panelis itu turut menjawab persoalan tentang ancaman perubahan iklim, ketelusan pemerintah mengenai data, serta penglibatan pelajar dalam politik.

Satu lagi panel pula telah membincangkan tentang peranan pihak bukan pemerintah dalam gerakan-gerakan tertentu seperti perubahan iklim, dan sokongan untuk golongan yang terpinggir dalam masyarakat.

– NUR ADILAH MAHBOB

“Politik di Singapura haruslah mengenal tadbir urus. Tadbir urus secara asasnya ialah usaha meningkatkan kehidupan orang ramai, untuk membolehkan mereka memenuhi potensi dan aspirasi mereka. Soalannya adalah bagaimana kita boleh membangun sistem dan budaya politik yang membolehkan Singapura untuk terus bertahan, tumbuh dan cemerlang.”

– Menteri Perdagangan dan Perusahaan, Encik Chan Chun Sing.



“Di Singapura, pembangkang bukan satu pemerintah yang sedang menunggu. Itu bukan satu yang dijangkakan kebanyakan pengundi. Sebaliknya, pengundi melihat (kehadiran pembangkang) sebagai satu cara untuk memberi tekanan kepada pemerintah, dan sebagai periksa dan imbangannya.”

– Timbalan Editor Eksekutif South China Morning Post, Cik Zuraidah Ibrahim.

“Singapura tidak terkecuali daripada ancaman global ini. (Ancaman) Politik berdasarkan identiti sudah pun menjegas kita.”

– Pengerusi Institut Timur Tengah di Universiti Nasional Singapura (NUS), Encik Bilahari Kausikan.

